

第五三二冊

博物彙編

草木典

花部

果部

藥部

(卷)

一三一四

一五一六

一七二三

古今圖書集成

中華書局影印

Z 225

2

第十三卷目錄

花部藝文三 詩詞

和落花韻 四首

花前獨酌 二首

花品

戴花

花下

送花

惜花集古

對花集古

賦瓶中雜花 七首

花遊曲

花遊曲同張貞居遊石湖和楊廉夫韻 元楊維禎

和花遊曲

飛花行贈馬衡州時馬在建譽別業

落花行

潭上花

花遊曲和鐵崖韻

和楊孟載種花五詠

落花

丁卯新館寒食無花 二首

惜硯中花

賞花

花信

金王彥

姚孝錫

党懷英

趙秉文

龐鑄

刁白

李俊民

前人

元好問

元楊維禎

顧瑛

馬應

戴表元

吳師道

方積

郭翼

張端

郝經

前人

方回

姚燧

黃潛

惜花

鐘問小花

賣花聲

花霧

美人折花

和李仲節詠落花韻

經歷司暮春卽事

弄花香滿衣

惜花春起早

賣花詞

惜花歎

與客飲西園花下

晚過鄰塢看花因憶南園舊遊

邀方員外看花

江畔尋花偶成 二首

花開

到江西省看花次韻 四首

山路謠花

花答

賦落花

陌上花歎

落花怨

重過友人花下歌

花園子

詠美人隔牆折花

周別駕宅看花

賣花篇

何景福

周震震

謝宗可

前人

盧琦

朱德潤

薩都刺

鄭奎妻

前人

明高啓

前人

前人

前人

楊基

前人

前人

前人

李昌祺

前人

前人

前人

石培

徐樸

吳夢暘

陳鳳

吳兆

顧璘

黃魯曾

春日酌花下

花燈一

笠翁偶

飛花曲

賦落花

詠殘花

花殘

延季居士種花詩

落花吟

花遊曲

落花詩 三首

和答石田先生落花

簪花

落花 四首

和石田先生落花詩 二十首

落花 八首

和答石田先生落花 四首

種花

和沈石田先生詠落花

春日花下有感

落花太石田翁韻 二首

追和石田翁落花詩 二首

和石田翁落花詩 七首

花香

太華寺詠落花

憶小園花事

落花詩次文徵仲韻 二首

范鳳翼

錢耳野

林應泰

蔡氏

賀言

蔣山卿

王醇

于謙

李進

沈周

文徵明

周用

前人

唐寅

申時行

徐禎卿

李流芳

唐時升

傅光宅

楊敘

羅燾

王建極

邵賓

皇甫汈

章士雅

朱承爵

詠花影 二首

沈泰鴻

重至上陵看花作

汪道會

春暮花圃卽事

薛三才

落花

陳如京

落花 三首

羽濡

和比玉賦游魚噴花影

程嘉燧

賦落花以字元憲金谷樓危到地香得香字

劉承直

團扇承落花

陳鶴夫

謝鮑山人採花見寄

孫一元

春日看花之作

徐雄

月夜花下小酌和友人

區大相

期顧德甫兄弟看花不至

歸子慕

見落花

徐穎

落花

薛蕙

賣花吟

程節

賞花送客遊江南

劉繪

落花吟 三首

李繼貞

詠枝上殘花

韓奕

落花

黃鳳翔

郵亭殘花

徐燧

看花紀事

陳繼儒

余常過一山鄰老而嗜花紅紫映戶弄孫負日

前人

使人忘城居車馬之鬧贈以詩

王彥泓

花下

丘雲霄

殘花

陳鶴

花間雜詠

春日花下飲

張元凱

瓶花

孫承宗

飲錢大花樹下

吳樵子

戲諸姊作假花

周潔

落花

梁小玉

徐園看花已落

釋道衍

樹上花

釋德祥

溝上花

前人

落花歎

釋妙聲

落花得疎字

釋廣潤

落紅

釋道敷

落花 以上詩

釋志淳

望江南 詞上花

釋照源

一落索

隋煬帝

浪淘沙

宋舒亶

解佩令

歐陽修

霜天曉角 詞花

蔣捷

玲瓏四犯 詞花

周美成

解語花 實梅杏

王止仲

卜筮子 實花二首

劉潛夫

摘紅英 實花

元張翥

畫堂春 思遠道人院實花

明吳子孝

點絳脣 秋夜花下

前人

一斛珠 落花

王坊

倦尋芳 難以可拾實花不赴

文徵明

蝶戀花 實花

前人

蝶戀花 題花鳥圖

趙果夫

滿庭芳 落花

沈際

虞美人 看花詞

葉小鸞

花部選句

草木典第十三卷

花部藝文三 詩詞

和落花韻四首

金王彥

曾見嬌窺宋玉牆忽驚遺夢到延涼聚塵非分侵凌

玉流水無情暮送香錦襪護掩終隔面綵灰雖吐若

爲腸蒼苔碧草無窮恨木石癡兒亦自傷

可人未厭出都牆回首空殘翠幕涼好事只傳懷夢

草殊鄉誰致返魂香塵凝燕子慵開眼煙暗馬嵬空

斷腸懷李絳桃俱異物爲歌蘿露寫餘傷

綠影浮空只自傷賞心死著未能忘現枝不解留春

色銀燭空會照夜妝肺腑已傳蜂蠶盡肌膚仍與燕

泥香情知青帝回車日合有翔風老退房

韶華終竟合凋傷歡笑繁懷忍遺忘露壓不禁昏淚

臉風披無奈醉愁妝芳菲頓減園林趣復藉空餘陌

路香却憶班姬淚辛苦一生都得幾專房

花前獨酌二首 姚孝錫

老將花酒作知音起就花前酒自斟莫使興來先醉

酹却妨真賞費搜吟

移得名花手自栽花知不爲老人開典來誰是尊前客唯有提壺送酒杯

花品

党懷英

翠裙藥積破黃薇新樣丁香結玉蕤最愛東風木芍藥淡紅深紫兩相宜

戴花

趙秉文

病來杯酒嬾重持強爲花殘折一枝人老易悲花易落東風休近鬢邊吹

花下

龐籍

香滿西園曉雨微萬紅千翠自高低若爲常作莊周夢飛向幽芳開處棲

送花

刁白

縱橫詩酒少年曾老矣追惟謝不能種出好花無用處東鄰乞與坐禪僧

惜花集古

李俊民

繡輓香驕夜不歸看花只恐看來遲今朝幾許風吹落多在青苔少在枝

對花集古

前人

畫是劉郎去後裁爲誰零落爲誰開風流才子多春思半醉閒吟獨自來

賦瓶中雜花七首

元好問

予絕愛未開杏花故未篇自戲
老眼驚看節物新今年更與酒杯親東山一道花如繡從此他鄉不是春

香中人道睡香濃誰信丁香嗅味同一樹百枝千萬結更應薰染費春工

生紅點點弄嬌妍半折花房更可憐傳語春風好將

護莫教容易作銀錢

紅抹蘭膏綠染衣綠嬌紅小兩相宜華邊剩有清香在木石癡兒自不知

素豔來從月姊家溫風淑氣發清華人間自有交枝王天上休開六出花

昨日桃花錦片新兔葵今日到殘春低枝畱得稀疎朵比似全開更惱人

古銅瓶子滿芳枝裁剪春風入小詩看看海棠如有語杏花也到退房時

花遊曲 井序

元楊維禎

至正戊子三月十日偕茅山貞居老仙玉山才子煙雨中遊石湖諸山老仙爲妓者瓊英賦點絳脣

詞已而午霽登湖上山歇寶積寺行禪師西軒老師題名軒之壁瓊英折碧桃花下山子爲瓊英賦

花遊曲而玉山和之

三月十日春濛濛滿江花雨溼東風美人盈盈煙雨裏唱徹湖煙與湖水水天虹女忽當門午光穿漏海霞裙美人凌空躍飛步步上山頭小真墓華陽老仙海上來五湖吐納掌中杯寶山枯禪開茗椀老仙

龍催花板老仙醉筆石闌西一片飛花落粉題蓬萊宮中花報使花信明朝二十四老仙更試蜀麻箋寫

畫春愁子夜篇

花遊曲同張貞居遊石湖和楊廉夫韻

顧瑛

真娘墓下花溼溼碧梢小鳥啼春風蘭舟搖搖落花裏唱徹吳歌弄吳水十三女子楊柳門青絲盤盤鬱金裙折花賣眼一回步蛺蝶雙飛上春墓老仙醉弄

鐵笛來瓊花起作回風杯典酣鯨吸瑪瑙碗立按鳴箏促象板午光小落行春西碧桃花下題新題西家忽遣青鳥使致書殷勤招再四當筵奪得鳳頭箋大寫仙人踞踞篇

和花遊曲

馬慶

綺樓十二浮空溱寶衣翠絡薰麝風宮妝窮窈窕屏裏鸚鵡呼名隔江水荔枝木瓜花覆門珠珥丁東搖曲裙娃館宮裏潘妃步贏得一丘紅粉墓探花仙子何處來乳酒自罰行深杯夜園酒倒揮玉腕遮莫城頭催漏板人生一身東復西花遊日日須畱題尚記題詩動宮使字落驪珠二十四金花重賜五雲箋製作清平樂府篇

飛花行贈馬衢州時馬在建縣別業

戴表元

山上風花山下飛花飛欲盡山翁歸歸來亦自忘行跡但覺滿地紅依依餘花更惜隨春去溪上遊人山下路戀家漁父斷來蹤難老劉郎記前度花開花落春風前我昔與翁同少年祇今鶴去但華表何處烏啼悲杜鵑遊人自遊春自暮從翁問花花不語且當向花日日醉醉到花前學花舞

落花行

吳師道

東風吹花花作團美人脉脉凭闌干倦投紅筵逐舞鳳故尋翠袖紫釵驚去年送別城南道城南飛花映芳草關河萬里人未歸風雨一番春又老抱愁無語還空闌拂釵攪袖香依依綠陰鎖意蝶影斷空枝甲月鵲聲悲青春不復回遊子不顧期美人掩淚長相思恨身不似花能飛花飛終恨沾塵泥安能與花飛

去陽關西

潭上花

方積

幽潭太古色上有十樹華深根溉甘泉衆實結丹砂
食之可長生千秋顏若花縹緲潭上仙種此遺其家
安期日往來時乘紫雲車

花遊曲和鐵崖韻

郭翼

石池天地花溟濛芙蓉暖紅旗颭風錦繡雨帆出雲
裏玉灋搖溶養龍水寶坊壁堂山入門瓊瑤雜佩颺
輕裙館娃愁絕行春步青孤泣冷鴛鴦墓鐵蛟噴壑
風雨來花宮香送瓊英杯玉粒松膏粉雲益小扇桃
歌紫牙板半蘿烟斷東海西雙璫緘札近新題青鳥
不來無信使玉鴈銜絲啼十四眞珠字密愁滿箋爲
君重賦花遊篇

和楊孟載種花五咏

張端

種花

種花以娛情而必去惡草惡人所憎不似花枝好
莫教花易飛花飛迫人老歲晏孰能舊行樂宜及早

看花

春風方衰衰春雨亦疎疎江南二三月好花無處無
看花不知疲飲酒須百壺明朝酒重載紅雨落紛數

折花

灼灼樹上花枝枝可攀折折以贈所思亦復自怡悅
今日顏色好明日風光別年年送清明一樹東開雪

買花

萬井夜南歌一枕春日紅開簾買花看恰與去年同
花枝固須好人生自飄蓬未信賣珠兒不作白頭翁
惜花

見花心目舒惜花懷抱惡日日池上行片片風前落
盈盈一春愁脉脉無處託殘紅抱餘香遺恨芳州泊

落花

郭經

彩雲紅雨暗長門翡翠枝餘萼綠痕桃李東風蝴蝶
夢關山明月杜鵑魂玉闌煙冷空千樹金谷香消謾
一尊狼籍滿庭君莫埽且留春色到黃昏

丁卯新館寒食無花

前人

四圍擊柝鎖重扉春去春來總不知腸斷東城中酒
後春衫走馬拂花枝
陽和渾不到空齋深院無人長綠苔能報監門暫開
鎖少分春色入門來

惜視中花

方回

花檐移來錦繡叢小牕餅水浸春風朝來不忍輕磨
墨落硯香黏數點紅

賞花

姚燧

出門京國事無涯虛擲東風五物華却謝病歸催不
起故園今見碧桃花

花信

黃潛

已覺尋芳去較遲千林紅紫總紛披幾經夜雨能無
恙試問春風竟不知斜日游蜂應有夢野亭立馬已
多時殷勤却是江南客曾勞冰霜寄一枝

惜花

何景福

黃金可惜作闌干僂倚相看盡日歡秉燭歸來猶未
足夢隨蝴蝶遠枝看

離間小花

周霆震

小小閒花分外紅野人離落自春風江南多少繁華
地盡在寒烟蔓草中

賣花聲

謝宗可

春光叫過費千金紫韻紅腔細細吟幾處又驚遊冶
夢誰家不動惜芳心暗穿紅霧樓臺曉清迷香風巷
陌深妝鏡美人聽未了繡簾低結書簷陰

花霧

前人

倦紫酣紅總未醒暗薰芳淚滴無聲羅幃隱繡迷春
色綺縠籠香護曉晴薄暝枝頭留睡蝶輕陰樹底咽
啼鶯東風卷到闌干曲半濕游絲舞不成

美人折花

盧琦

曉縮春雲出戶來凌波微步下瑤階潛身折處香凝
指正面看時影在懷鸞閣露珠沾翠袖蝶隨春色上
金釵石闌干外萼苔滑歸院應須換繡鞋

和李仲節詠落花韻

朱德潤

谷鶯啼老雅桑新粉褪紅銷只數晨輕逐曉風粘酒
雪半和塵土上車輪香隨流水千年恨影別殘陽幾
度春却憶當時研花帽山香一曲淚沾巾

經歷司暮春卽事

薩都剌

霞飛海燕拂簾過風捲魚鱗剪綠波閒倚石闌數春
事滿池紅雨落花多

弄花香滿衣

鄭奎妻

鶯聲響處東風急紅紫叢邊久疑立素手攀條恐刺
傷金蓮移步嫌苔濕幽芳擷罷拊蘭堂馥郁餘香滿
繡牀蜂蝶紛紛入簾戶飛來飛去繞衣裳

惜花春起早

前人

胭脂曉破湘桃萼露重茶蘼香雪落媚紫濃遮刺繡
臙嬌紅斜映軟鞦韆索轡驚夢急起來梳雲未暇臨
妝臺笑呼侍女秉明燭先照海棠開未開

賣花詞

明高啓

綠盆小樹枝枝好花比人家別開早陌頭擔得春風行美人出簾聞叫聲移去莫愁花不活賣與還傳種花訣餘香滿路日暮歸猶有蜂蝶相隨飛買花朱門幾回改不如擔上花長在

惜花歌

前人

惜花不是愛花嬌賴得花開伴寂寞樹樹長懸鈴索護叢叢頻引鹿盧淺幾同欲折花枝喚心恐花傷復停手每來花下每題詩不到花前不持酒准擬看花直盡春春今未盡已愁人纔留片萼依前砌全落千英過別那懊惱園中妒花女畫檐不禁在風雨流水殘香一夜空黃鸝魂斷無言語縱有星星在鮮衣拾來已覺損光輝只應獨背東臆臥夢裏相隨高下飛

與客飲西園花下

前人

一壺酒正滿一樹花仍新傾壺對花樹日暮西園春不受枝上花愛此花下人相逢莫學花無賴明日分飛隨路塵

晚過鄰塢看花因憶南園舊遊

前人

去年看花在城郭今年看花在村落花開依舊自芳菲客思居然成寂寞亂後城南花已空廢園門鎖鳥聲中翻憐此地春風在映水穿籬發幾歲年時遊伴俱何處祇有聞蜂隨繞樹欲慰春愁無酒家殘香細雨空歸去

邀方員外看花

楊基

金昌亭西萬株花胭脂玉雪爭紛拏春風攜酒看花去騎馬徑到山人家花深樹密無還入下馬徘徊映花立紫萼風微翠袖香紅絲露重鳥巾濕別來殘負

看花期客裏匆匆見一枝白下橋邊寒食後廣陵城外綠陰時今年花最遲春早准擬清樽對花倒人意

方邀酒伴來花枝已向東風老花雖漸老仍堪折猶勝紛紛滿路雪且共芙蓉幕裏人坐看海棠枝上月

江畔尋花偶成二首

前人

細草平沙暖更融護隨蝴蝶步東風哀鶯照水凝添白老眼看花覺脈紅且自細聽鶯宛宛莫教深惜燕

恩恩江村到處皆春色聊與行人弔客中

偶隨流水到花邊便覺心情似昔年春色自來皆夢裏人生何必盡樽前平原席上三千客金谷園中百萬錢俯仰繁華竟陳迹野花啼鳥謾留連

花開

前人

花開醉不休花謝莫深愁縱使花常在東風也白頭

到江西省看花太韻四首

前人

青絲茵褥是柔莎白苧衣裳勝綺羅千樹桃花紅一色春光誰道不須多

小小旗亭曲曲圍禁烟時節未驚殘便須連夜燒銀燭莫待他年霧裏看

東湖東畔柳枝長滿苑飛花亂夕陽何處被除兒女散過來流水鬱金香

生色屏風一面開輕羅團扇合歡裁深深院落落青青柳綠是無花也看來

山路謠花

李昌祺

枝頭地上總猩紅幾樹繁開幾樹空顏色一般榮悴別誰將此意問東風

花答

前人

多謝天公著意栽不教妝點豔亭臺無人剪折無人

賞贏得年年自在開

前人

愁紅怨粉各依依樹下偏多樹上稀總爲春光爭豔冶却教夜雨妬芳菲數枝浸水魚吹去幾片繁枝蝶趁飛莫怪東風成薄倖猶能收拾點人衣

賦落花

前人

陌上花何離離秋風吹汝汝不知汝有丹葩及紫萼恨汝不植瓊瑤池朝朝行人暮遊子泣露酣霞何日止花枝漸減秋月寒獨抱餘芳道旁死不如三月楊柳綿猶自飄飄帝城裏

落花怨

徐櫟

曉起西園望空階散落紅自嗟根蒂淺不敢怨東風

重過友人花下歌

吳夢暘

憶昔曾醉故人家滿檐春雪吹梨花花開花落今幾度爲問容顏得如故故人老去猶故心折花憶我相思深重來看花花益好可惜看花人盡老此時花裏春風顧此時沽酒莫論錢當杯但畏花欲落且向花前同醉眠若過君家能醉殺便須埋我在花前

花園子

陳鳳

當年內苑花如綺萬樹紅雲日邊倚監使惟承巡幸歡誅求那惜花園子別有朱門令尤急綠衣怒叱青衣執春風慘慘白日寒愁把花枝對花泣祇今聖主罷游畋詔書屢却黃龍船歲時雖有上林役種植還堪助衣食君不見元明宮少陽院秋雨霏秋草遍

味美人隔牆折花

吳兆

離離牆影動謂是東風吹美人金梯出纖手摘花枝銅聲驚起鳥紛紛洛玉墀梢高舉不及下望復移時

誰能了空意因示數枝春色但隨根現花聊過眼新
護香裁刺遍界綠委泉勻豈必來遊者方爲借玩人

落花吟

于謙

昨日花開樹頭紅今日花落樹頭空花開花落尋常
事未必皆因一夜風人生行樂須少年老去看花亦
可憐典衣沽酒花前飲醉掃落花鋪地眠風吹花落
依芳草翠點胭脂顏色好韶光有限蝶空忙歲月無
情人自老眼看春盡爲花愁可惜朱顏變白頭莫遣
花飛江上去殘紅易逐水東流

花游曲

李進

飛花入簾宮漏長游絲落絮春茫茫金鞍駿馬青絲
勒綺閣小姬紅粉妝黃金作九落花底啼鳥隔花飛
不起明朝更欲載東風早買湖船放春水

落花詩

沈周

玉勒銀轡已倦游東飛西落使人愁急攬春去先辭
樹懶被風扶強上樓魚沫煦恩殘粉在蛛絲牽愛小
紅舊色香人在沈迷界懺悔誰能倩比丘
芳華別我漫匆匆已信難留亦空萬物死生寧離
土一場恩怨本同風株連曉樹成愁綠波及烟江有
伴紅漢漢香魂無點斷數聲啼鳥夕陽中
筇枝侵曉啄芳痕借爾階庭亦暫存路不分明愁喚
夢酒無聊賴怕臨軒隨風肯去從新嫁棄樹難留絕
故恩惆悵斷香餘粉在何人剪紙一招魂

和荅石田先生落花

文徵明

零落佳人意暗傷爲誰憔悴減容光將飛更舞迎風
面已褪猶嬌洗雨妝芳草一年空路陌綠陰明日白
池塘名園酒散春何處惟有歸來屐齒香

簪花

周用

老去風流敢自誇開筵對客許簪花百年回首仍春
色三月於人且物華乘興不須憎白髮聞歌猶復戀
烏紗花前莫笑山翁醉賸有青錢付酒家

落花

前人

幾日繁枝亦有姿便教飛盡只空枝明年有約休孤
我昨夜無風欲怨誰蜂愁苦心甘辭蜜蠶羞衰髮薄
紫絲鶴林縱謂猶堪賞酒明朝已怕遲
妝華倚豔欲無功到處芳菲入眼空薄影婆娑聊借
月後時哀謝不緣風簾鉤淡池開幽鳥篆跡依稀見
小蟲清曉關情應不免數枝惆悵杏園東
撼白欺紅恨已多新詞莫遣雪兒歌數枝欲借羣芳
後三月曾看幾日過錦席剩香留一瓣銀屏深影覺
雙蛾離魂轉覺難憑藉盡日風吹無奈何
滿樹春紅已覺稀數枝低閣午風微裁將織女愁中
錦畫著秋娘嫁日衣南國何人歌芍藥東山此日憶
舊薇中園未忍違孤賞拾得餘芳肯暮歸

和石田先生落花詩二十首

唐寅

今朝春比昨朝春北阮番成南阮貧借問牧童應沒
酒試嘗梅子又生仁六如偏送錢塘妾八斗才逢洛
水神多少好花空落盡不曾遇著賞花人
夕陽芳草笛悠悠春事驚看又轉頭漸濕風光搖草
樹驀驀時節逐川流臨階忍數脂千片遶樹空煩繡
半鈎九十繁華後脫手多情又作一番愁
忍把殘紅掃作堆紛紛雨裏毀垣頽蛤蜊上市驚新
味題鳩催人再洗杯肯唱驪歌送春去悔教羯鼓徹
明催爛開賺我平添老知到來年可爛開

芒鞋布襪罷春遊粉蝶黃蜂各自愁倦老光陰情轉
切惜花心性死方休膠黏日月無長策酒對茶糜有
近憂一曲山香春寂寂碧雲暮合隔紅樓

鶯燕還巢未定時村翁散社醉扶兒紛紛花事成無
賴默默春心怨所私雙臉胭脂開北地五更風雨葬
西施匡牀自拂眠清畫一縷茶烟鷓鴣聲
春盡愁中與病中花枝遭雨又遭風絮落舊白添新
白樹底深紅換淺紅漏刻已隨香案了錢囊甘爲酒
杯空向來行樂東城畔青草池塘亂活東

崔微自寫鏡中真洛水誰傳賦裏神序推移比彈
指鉛華狼藉又辭春紅顏仙蛻三生骨紫陌香消一
丈塵連樹百回心語口明年勾管是何人
簇簇雙眉出蘭眉淹淹獨倚曲欄時千年青塚空埋
怨重到元都只賦詩瓦甕酒香燒桺葉畫梁燈暗落
塵絲尋芳了却今年債又見成陰千滿枝

天涯曉望碧雲橫春社園林紫燕輕桃葉參差誰問
渡杏花零落憶題名日高鮮雜蜩黏壁雨過鶯啼葉
滿城邀得大堤諸女伴踏歌何處和盈盈
節當寒食半陰晴花與蜉蝣共死生白日急隨流水
去青鞋空作踏沙行收燈院落雙樓燕細雨樓臺獨
轉鸞休向東風訴思怨自來春夢不分明

紅塵拂面望春門綠草齊腰金谷園鴛鴦遍書苔滿
砌大聲遙在月明村春風院院深籠鎖細雨紛紛欲
斷魂拾得殘紅忍拋却阿成頭上伴銀鑰
春來赫赫去匆匆刺眼繁華轉眼空杏子單衫初脫
暖梨花深院自多風燒燈坐盡千金夜對酒空思一
點紅倘是東君問魚鴈心情說在雨聲中

舊酒新題滿袖痕憐香惜玉竟難存鏡中紅粉春風面燭下銀屏夜雨軒奔月已憑丹揆骨墜樓端把死關恩長洲日暮生芳草消盡江淹黯黯魂

花落花開總屬春開時休羨落時嘆好知青草骷髏塚就是紅樓掩面人山屐已教休泛蠟車從此不須仙仙塵佛劫同歸盡堅處何須論廟苗

亞宇城邊塵塵臺春深情况轉悠哉裝衣玉貌乘風去對酒逢應帶雨推結子桃花如雨落快雖蝴蝶過牆來江南多少閒庭館朱戶依然鎖綠苔

桃蹊李徑謝春榮斗酒芳心與夜爭陌上新楊柳塵暗牆頭圓月玉盤傾青帝陌陌無行跡繡裙腰肢覺瘦生莫道無情何必爾自緣我輩正鍾情

惻惻悽悽憂自攀花枝零落實絲添迴遮燕語春三月蕩漾波紋日半簾病酒不堪朝轉劇聽風且喜晚來恬綠楊影裏蒼苔上為惜殘紅手自拈

楊柳樓頭月半規笙歌院裏夜深時花枝的的難長好漏水丁丁不肯遲金串袖籠新藕滑翠眉僞映小蛾垂風情多少愁多少百結愁腸說與誰

桃花淨盡杏花空開落年年約略同自是節臨三月暮何須人恨五更風撲檐直破簾衣碧上砌如欺地錦紅拾回研羅方帕裏驚鴛一對共當中

春夢三更鴈影邊香泥一尺馬蹄前難將灰酒澆新愛只有香囊報可憐深院料應花似叢長門愁鎖日如年憑誰對却問桃李說與悲歡石上緣

落花八首

申時行

銅臺金谷總堪傷昔日繁華已就荒香入燕泥添舊墨影歸鸞鏡作殘妝簾櫳飛絮隨春老庭院游絲共

日長閒說仙葩能不謝誰從海外竟奇方名園佳卉劇堪憐玉裡香消倍黯黯不不禁含雨墮輕揚無奈逐風顛漢宮憔悴顏色色韋曲蕭條感歲年春去春來如有恨試將圓缺問嬋娟

撲面窺簾故惱人穠華能得幾回新漂搖逐浪渾無賴潯蕩隨風似有因青鳥銜來沾綺席紫駟嘶去踏紅塵呼童掃徑還教往醉客何妨吐錦茵

繁華過眼若為情獨倚雕欄數落英朱戶月來虛弄影玉階星墜不聞聲驚鴻難浦游魂遠飛燕朝陽舞慙輕幾日啼將春色換教人錯恨樹頭鶯

鶯聲殘紅慘不禁狂蜂醉蝶香難尋閒階半蝕苔痕淺曲還全理草色深游子驚驚風雨愛美人長抱歲時心枝頭取次成青子且共攜尊坐綠陰

香閣繽紛可自由豔姿狼藉情誰收鉛華有恨空辭筆羅綺無情宛塵樓流出御溝春脈脈迷來仙洞水悠悠風光遞轉尋常事可奈年年送白頭

殘英片片入塵埃芳遠迢迢遍草萊野鹿銜將溪畔過杜鵑啼向月中來偶經別院飄歌扇忽舞前層送酒杯不似無情東逝水明年還逐豔陽開

春風吹老夕陽斜一笑嫣然度歲華暫與名園數錦繡終憐幻質委泥沙白頭吟罷空相憶紅顏啼殘轉自嗟疑是瞿曇新說法故教大女散空花

和答石田先生落花四首 徐禎卿
不須惆悵綠枝稠畢竟繁華有斷頭夜雨一庭爭怨惜夕陽半樹小淹留佳人踏處弓鞋薄燕子銜來別院幽滿目春光今亦老可能更管鏡中愁

門掩殘紅樹樹稀客車休訪雨中泥蜂攀故蕊將頻

護鳥過空枝破血啼半月簾櫳風不定一川烟景日沉西先生臥病渾難管拾得餘英醉裏題歌酒闌千事已非玉人惆悵怨羅幃可堪在萬爭先謝更不勝踏各自飛盡掃庭枝風斂怨偶黏塵網雨衝圍今朝蝶似長安客差况殘春寂寞歸

飄蕩東西不自持多情幸惹有飛絲思私漫憶曾攀手精魄難拋未冷枝每戒兒童搖樹戲空煩道路隔牆窺經春為爾添新債閒費清尊落費詩

種花 李流芳
為園數畝未言賒聚沼疏泉手灌花花欲疎疎仍密密枝須整整復斜斜漸看節序皆芳候不放春光到別家最愛南榮冬日暖蠟梅一樹映山茶

和沈石田先生咏落花 唐時升
絕代佳人奈老何千紅萬紫盡婆娑好天良夜三通角寒食清明一擲梭羅袖殘迴承不著繡鞋頻避踏還多春光搖蕩江南北淚落長秋月下歌

春日花下有感 傅光宅
江月江烟望白門春風春雨自黃昏年年楊柳無消息夜夜梨花有夢魂蘇小香車松下路莫愁芳樹水邊村絨情欲寄雙飛燕燕斷迴文是淚痕

落花大石田翁韻二首 楊穀
典衣問酒午橋西團雪紛紛路已迷銅破寶釵難寄恨骨埋青塚半封啼銜空百匝憑誰去千迴賴老娛樂事暫違風物改畫竿紅使更誰攜

月缺良宵尚半規花殘無復昨看時飄飄入座沾水濕細細迴簷點額遲馬蹄先踏破趁晴蛛網漫縈垂雕紅刻紫都成夢一段春情欲訴誰

追和石田翁落花詩二首

羅熹

花隨流水去悠悠幾日傷春欲白頭繁絮游絲腸百結
瓣浮細雨淚雙流軟艸院落人孤立杜宇枝頭月一鉤
過眼韶華無計挽年年空抱別離愁
堆紫堆紅曲徑邊飛來飛去小庭前隨風入戶最難
定送雨過林真可憐青帝不能留一日元都重到又
經年芳菲去去無存跡恰似生前未結緣

和石田翁落花詩七首

王建極

翻紅墜素兩悠悠王謝門前古陌頭鎮日繁驚鶯驟
雨一時和淚逐東流驚將春已侵棋局魚視寒香上
釣鉤此際有人披繡闥斂眉無語獨含愁
惜花彩筆爲傳真畫盡還驚花有神月照空枝無那
夜雨飄殘萼奈何春香魂應弔綺羅客麗質終爲蘭
麝塵一度看來一惆悵未知誰是不愁人

風浮雲和雨意新殘紅點點委芳塵眼穿此日憑欄
客腸斷當年勸酒人紙上祇能添麗句枝頭無計駐
殘春落英狼藉那堪觸密翠金鈴鳥莫喚
烟雨欺花肯放晴落紅日日喚愁生已拼引被蒙頭
臥更起巡簷信步行蝴蝶夢寒雙睡燕杜鵑枝老獨
啼鶯綠陰冉冉天涯偏十二樓頭空月明
看花興懶厭追陪門掩春光強半迴紅著樹時風已
妬綠成陰處雨猶催盈盈堆徑阿誰惜款款敲聽若
個來攪得情懷無可奈呼童且覆掌中杯
萬樹飛花遠碧空韶光應與昔年同朱簾半捲脂
雨繡幕輕搖蘭麝風燕拂林霞分嫩綠翻草露濕
嬌紅玉人推枕春眠起玉減金鬆一顧中
片片飛來東復西倚門東望欲成迷臨風漫作開顏

笑帶雨還爲半面啼狂胃游絲繁醉客巧隨流水賺
漁娛須知欲盡猶堪惜到處芳叢酒可攜

花香

鄧寶

花氣細縹緲風誰從起處問西東偶來似與遊絲
下却散還隨夢蝶空曲檻有時應獨駐幽居何地不
相通等閒擬得涯翁句已落人間色相中

太華寺詠落花

皇甫昈

綴幌霏筵各有因長安萬樹總辭春殘妝帶雨猶含
泣薄質隨風易損神信斷御溝爭似葉香消清路不
如塵朝逢鹿女街將獻證却從前色誤身

憶小園花草

章士雅

天南人去二三月小苑花飛五六枝孤閣自開巢乳
燕疎簾不捲駐游絲園蔬未作愁中供芳草還虛夢
裏詩最憶東鄰夜吹笛一聲遙在月明時

落花詩次文徵伯韻二首

朱承爵

雨雨風風大慘情眼前紅白霎時盈髮尋紫燕穿香
戶寂寞紅鴉哭錦城短夢一場春事散好懷三月客
愁輕明朝急就東園醉試取殘詩補得成
少婦含情半自傷有丹疑可駐春光樽前好事風前
影雨底殘脂淚底妝情此落霞烘老圃趁他飛絮繞
橫塘珠簾簾瑟南朝怨樂府誰翻字字香

咏花影二首

沈泰鴻

掩暖鋪芬信化工不教開謝聽春風剪裁素手應難
定想像冰姿也未同物態盡從形裏問禪心詎待落
時空綠情紅意遮分別夜月朝陽西復東
旋空霞蔚迴雲典纔舞山香黛色層攀不得時如對
鏡看難真處似攜燈禺中已識傾陽近木末初逢泣

露凝偶爾啓關迎快客踏來滿這祥何會
重至上陵看花作

汪道會

春山拄杖獨經過一路緣原訪薛蘿幽處白雲能抱
石典中黃鳥自成歌桃花流水生涯足籬落衙門古
意多卜築廿年猶未果祇今回首愧巖阿

春暮花園卽事

薛三才

退食閒亭自委蛇憑軒忽設問花期韶光已過九十
日闌藥纔舒三兩枝午和酒香風細細長留春色景
遲遲看來最是牽情處嬌媚嬌媚百尺垂

落花

陳如京

萬樹陰陰春已闌綺霞浮水動波瀾半將豔質迎風
舞散作香魂共月寒銀蒜低垂紅雨急金鈴忘綴絳
苔殘不知游冶尋芳處無限葳蕤藉錦鞍

落花三首

羽菴

一自相從十八姨春山游遍故枝移撲簾時助嬌娥
繡點硯常窺驛客詩國色尚存衣帶引清香不改月
明知蝶來北苑蜂南去誰向樓頭話別離
昨日層闌今曲堤乍看誰信舊成蹊儻教拂掠隨鴉
陣怪道顛狂伴燕泥蔡琰忽驚歸異域城西施空自憶
耶溪人間離合渾無定免去烏來到處迷

纔向詩人又酒人半畱廳屋半鋪茵自來姣好根荇
薄却爲輕狂轉盼頓任是穠華迎淑景也應飄泊到
殘春壽陽若得常如舊子建何須賦洛神

和比玉賦游魚喚花影

程嘉燧

無數輕纖蓮葉東冰沫芳吹冰澌浮空疑追戲蝶來天
上誤餌游絲沒鏡中點額冷光如吸露濯鱗香陣欲
餐風相忘樂事江湖外捉影還看嚼蠟同

賦落花以末元憲金谷樓危倒地香得香字

劉丞直

英華本天性開謝任年光自是春風改那因夜雨傷
低徊飄綺席在萬度雕牆翠霧當燭合紅雲匝地香
點泥登燕壘添蜜入蜂房剪綵誇西苑成妝託壽陽
角哀翻塞曲逕遠誤漁郎但使靈根在重看錦樹芳

團扇承落花

陳薦夫

宮扇偃輕羅宮花隕玉柯偶持迎絳雪詎遣雜青莎
帶露凝揮汗沾朱似障歌陣香風處逗片影月中過
白爲叢深損紅因坐久多殘英兼舊寵相戀悵如何

謝鮑山人採花見寄

孫一元

山人縛屋黃山巔青松萬株盤屋前春風摘取花滿
裏逢人遙寄吳門仙吳門仙人身已輕服花更覺靈
氣生白日獨坐若木下滄海如席龍不鳴昨夢訪君
松樹樾亦脚踏雲石苔滑天風颯颯吹欲醒歸來松
際畱明月

春日看花之作

徐雄

才子乘春覽物華錦囊詩句向人誇東風二月長千
路幾樹垂楊掃落花

月夜花下小酌和友人

區大相

碧空散微雲孤月照遠客以君衣上光鑒我花間席
傾壺逐夜涼隔林望歸闕槭槭葉墮階淒淒風入隙
清光正娛人徘徊戀終夕

期顧德甫兄弟看花不至

歸子墓

豚豚春欲深遲遲日方午閒閒溪橋邊寂寂桃花塢
淺水湖初生漁舟倒出浦無奈東風狂花落不可數

見落花

徐穎

流景忽西靡芳樹春易遷落花與白髮不得相周旋
持此汲汲心詎敢戀百年陳酒開古書其人已如烟
逝者勿復見但爲飲者憐

落花

薛惠

今朝捲簾坐時見一花飛不惜芳菲盡春風稍稍稀

賣花吟

程節

妝罷幽閑坐門前叫賣花春光用錢買那得到貧家

賞花送客遊江南

劉繪

喧笑攀花會悲歌悵別期明年賞花處只恐動春思

落花吟三首

李繼貞

名花一辭帶流浪那可保從他上綺筵寧似枝頭好

落花亦戀枝欲別更回首今日同枝花明朝知在否

掃花促雙鬟春深臂無力臥帶立香階清風自來拭

味枝上殘花

韓奕

半春日日雨兼風野杏官桃到處空此樹偶畱三兩

朵依依殘影夕陽中

落花

黃鳳翔

幾處桃花次第開殘紅零落晚風催荒村寂寞無流

水不惹漁郎認路來

郵亭殘花

徐燾

征途微雨動春寒片片飛花馬上殘試問亭前來往

客幾人花在故園看

看花紀事

陳繼儒

春寒風弱酒旗斜亞字城南八字沙午後主人猶病

酒隔籬小犬吠桃花

余常過一山鄰老而嗜花紅紫映戶弄孫負日

使人忘城居車馬之鬧贈以詩

前人

有箇小扉松下開堂前蔬藥繞畦栽老翁抱孫不抱
甕剛欲灌花山雨來

花下

王彥泓

未必春工一夕移杏花清減夜來姿可知顏色關人

處正在紅消欲白時

殘花

丘雲霄

昨日看花花滿枝今朝爛熳點青池無情莫抱東風

恨作意開時是謝時

花間雜味

陳鶴

流雲影亂欲凝空楊柳絲柔不曳風調入深林人不

見乳鶯啼出萬花中

春日花下飲

張元凱

春風青鬢未成絲放浪江湖只酒厄二十年來真落

魄不曾醒眼看花枝

瓶花

孫承宗

高牙風峭戟枝寒杏蕊新春春又闌却憶韋家花樹

會開城初向一瓶看

飲錢大花樹下

吳孺子

平堤水浸小紅香醉後風來花滿牀無奈黃鸝仍勸

酒數聲飛過竹邊牆

戲諸姊作假花

周潔

鍍花雕葉百般新巧手分明遂奪真自是深閨無定

鑒金錢輸與弄虛人

落花

梁小玉

翠鈿無數碎寒灰冉冉尋芳細數來同病相憐無限

淚紅痕墮落錦千堆

徐園看花已落

釋道衍

徐園看花已落

釋道衍

自笑尋花獨後期殘紅粘砌綠繁枝尋常日對猶多恨况是斜風暮雨時

樹上花

釋德祥

昨日樹上紅今日樹上空樹空人莫惜春風有來日春風爲花好不惜行人老行人老不再少年不知花落春風前

溝上花

前人

步出雞鳴埭潮溝見落花風時下急水雨處泊危沙在溝猶故土出浦是天涯莫學溝上客老來無住家

落花歎

釋妙聲

朝見紅白花暮見青葱樹不愁花落總成泥但惜人生不如故滋蘭公子江南客再拜東皇雷不得九州塵土浩茫茫付與楊花作春色東溪野老自忘機坐對落花吟夕暉猶聞葉上黃鸝語不信東家蝴蝶飛

落花得疎字

釋廣潤

春來纔見百花舒一夜東風恨有餘亂點綠苔沿砌密乍飛紅雨隔簾疎辭條弱影傷過鳩逐水殘香憶鯀魚莫見成陰芳樹底斷魂蝴蝶尚蓬蓬

落紅

釋道數

開亦未幾日忽驚紅亂飛生憎風底急猶賴燕銜歸隨水意何限過牆力漸微雖含零落感曾憶在芳菲

落花

釋志淳

早被春相賺飄零不自知未完九十日消盡萬千枝點水嫌萍掃黏苔怕月移莫謂化工意榮悴孰爲司

落花

釋照源

飄零思雨露撩亂沾蒼苔苦被風常掃因傷春闌開嬌鶯歌綠轉癡蝶想紅來事盡如花事樂時疼亦催

望江南 詞上花

隋煬帝

接武調隋煬帝有八開詞律以唐人止有單調至宋方加雙疊近謂附詞爲詞作未始是詞湖上花天水沒靈芽淺蘆水邊勻玉粉濃苞天外剪明霞只在列仙家開爛熳插鬢若相連水殿春寒幽冷豔玉軒晴照燠添華清賞思何賒

一落索

朱舒夏

正是看花天氣爲春一醉醉來却不帶花歸惜不解看花意試問此花明媚將花誰比只應花好似年年花不似人憔悴

浪淘沙

歐陽修

把酒祝東風且共從容垂楊紫陌洛城東總是當時攜手處遊遍芳叢聚散苦匆匆此恨無窮今年花勝去年紅可惜明年花更好知與誰同

解佩令

蔣捷

春晴也好春陰也好著此兒春雨越好春雨如絲偏繡出花枝紅艷怎禁他孟婆合早梅花風悄杏花風小海棠風暮地寒峭歲歲春光被二十四風吹老棟花風雨且慢到

霜天曉角 折花

前人

人影隱紗是誰來折花折則從他折去知折去向誰家簷牙枝最佳折時高折些說與折花人道須插向簷邊斜

玲瓏四犯 惜花

周美成

瓊李天桃是舊日潘郎親試春豔自別河陽長負露房烟臉憔悴點吳霜細念想夢魂飛亂嘆香燭玉砌都換纖纖始有綠重見夜深偷展香羅薦暗窗前醉眠蔥倩浮花浪蕊都相識誰更曾擡眼休問舊色

舊香但認取芳心一點又片時一陣風雨惡吹分散

解語花 賞梅

王止仲

寒消雪點暖弄烟絲又去年時候蕙芽初透輕澹盡煙燈翠波風軟鵲鴛黃暈柳微隱映瓊芳孤秀最愛他纖指輕輕折暗香盈袖豔質故應低首却休慚穠麗不似清瘦也還知否可人處飛燕玉環都有羅浮夢後更莫問前村沽酒但好教膩白嬌紅鎮年年如舊

卜算子 惜花二首

劉潛夫

盡是手成持合得天饒借風雨於花有甚嫌作意相陵藉做暖逼教開做冷催教謝不負明年花下人只負栽花者片片蝶衣輕點點猩紅小人道東君不惜花百種千般巧朝見樹頭繁暮見樹頭少人道東君果惜花雨打風吹了

摘紅英 惜花

元張翥

鶯聲寂鴉聲急柳烟一片梨花濕驚人困教人恨待到平明海棠應盡青無力紅無跡殘香剩粉那禁得天難準晴難穩晚風又起倚闌怎忍

畫堂春 思遠道人院賞花

明吳子孝

春風暖入闌青天芒艸綠碧草蒼烟秋千風颭彩旗翻芳樹爭妍禪榻遠離塵境幾人能醉花前歌聲鳥語兩清圓再進金船

點絳脣 秋夜花下

前人

玉簫金波波中花映顰脂透銀燈如畫盡益花容秀花影低垂把酒和花漱新詞就愛花新茂秋夜新長漏

一斛珠 落花 王坊

翻空紅雨多隨春信紛紛去萬千綠葉無情緒連夜生新占盡花開處 一霎辭根無定所傷心今古成黃土憐香只有鶯啼樹似勸東風略做些兒主

倦尋芳 陳以可 黃花不赴 文徵明

暄風泛午遲日酣春萬錦新濕傳樂亭東記得向來會約正是春明堪醉也等閒愁病剛醒却漫多情憶舊倚闌干此時蕭索 空自有憐春思致賦玉才情無處堪著怎及東君時自對花吟酌檀板風流猶在念錦堂佳麗還留諾待遲遲却又怕雨狂風惡

蝶戀花 惜花 前人

花事闌珊春欲老雨洗風吹一夜都如掃檀板不聞樽不倒油欄辜負傾城笑 我試撩君君不報君自無情得我旁人惱花若有知花亦悞明年定不虛開了

蝶戀花 題花鳥圖 趙栗夫

香雨新施膏沐了睡思膏肓不管雕闌曉宿酒漸消紅暈小夢魂何處坐山杳 無數間關枝上鳥報與花神昨夜春多少驚起無言情悄悄腰肢又被東風惱

滿庭芳 落花 沈康 一作馬洪

春老園林雨餘庭院偏惹蝶驚驚倚闌紅皺白狼藉滿蒼苔正是愁腸欲斷珠箔外點點飄來分明似身輕飛燕扶下碧雲臺 當初珍重意金錢錢買玉砌新栽更翠屏遮護羯鼓催開誰道天機錦繡都化作紫陌塵埃紗幮裏有人憐惜無語托香腮

虞美人 看花 葉小鸞 閨秀

闌干曲護閒庭小猶恐春寒悄隔牆影送一枝紅却是杏花消瘦舊東風 海棠睡去梨花褪欲語渾難問只知婀娜共爭妍不道有人為你惜芳年

花部選句

楚屈原九歌綠葉兮素華芳非兮號子

漢郊祀歌敷華就實既早既昌

司馬相如上林賦揚翠葉抗紫莖發紅花垂朱榮

魏何晏景福殿賦結實商秋敷華青春

晉陸機文賦謝朝華于已披啓夕秀于未振

梁簡文帝筆賦玩飛華之度意看春風之入柳

行雨山銘人來當花

元帝春賦露露珠而重葉網繁花而曳風

沈約恩衰草賦蘅花兮佩實垂綠兮散紅

何遜七召凋採兮危實葩拔兮迴花

江淹江上之山賦草自然而千花樹無情而百色

去故園賦北風枿兮綠花落

周庾信小園賦落葉牛林狂華滿屋

馬射賦落花與芝蓋同飛楊柳共春旗一色

枯樹賦闌花建始之殿落實難陽之園

李錯述身賦樹先春而動葉草迎歲而發花

漢蘇武詩努力愛春華

晉張華詩春露未晞嚴霜零百草凋索花花英

張載詩昔爲春月花今爲秋日草

張協詩寒花發黃采秋草含綠滋

劉琨詩花將面自許人共影相憐

齊王儉詩陽春白日風花香

王融詩花飛低不入鳥散遠時來又落蕊散花叢又

花裏寄春情

謝朓詩鳥散餘花落又寒草分花映又花枝聚如雪

梁劉孝綽詩丰茸花樹舒又落花浮浦出

江淹詩雲黯江上花

江總詩風花拂舞衣又新雨百花朝

何遜詩岸花臨水發又巖樹落高花又看花時轉側

又落花紛入膝又花繞凌風臺又飛蝶弄晚花又庭

花枝上發又花飛落枕前

吳均詩花落夜靠靠又花霧共依靠又朝花照燈燈

又朝花舞風中又林花合復分又花舞依長薄

劉孝威詩雜寶連枝花

庾肩吾詩迴岸高花發又向嶺分花徑隨階轉藥欄

又春花競玉顏

陳後主詩花落幽人徑又金谷落花光又陌上新花

歷亂生又輕花落復香又山花照迴林又花落低還

起又水中花色沈又風駛落花多

周庾信詩凋底百重花山根一片雨又濕花隨水泛

又風逆花迎面又聚花聊飼雀又狹路花中行又山

花焰火然又隱影鏡花搖又落花催斗酒

隋煬帝詩禁苑百花新又小苑花紅洛水綠又颯灑

林花落

唐李嶠詩花隨早蝶來又林花拂桂旗

宋之問詩花落侍臣衣又巖花應待御筵開

沈佺期詩雲間樹色千花滿

李又詩雨霰光搖雜樹花又仙花綴冕旒

李適詩山花添聖酒又花園西望錦屏開

邵昇詩花合步聲空間出楊維帷宮裏裏行

王景詩吹花散御筵

蘇頌詩花源接洞空又飛花故落舞筵前

薛稷詩花鏤黃山繡作苑草圖元滿錦爲川

馬懷素詩映日輕花出禁林

韋元旦詩戲馬爭銜上苑花又宮女裁花已作春

席豫詩花迎鴈轡文

袁暉詩春畏落花催

鄭愔詩樹發寒花禁苑新

李愔詩林花不符曉風開

徐安貞詩城花春正發

陳希烈詩花發異林香

張說詩飛花瀟蕩御筵紅又上林千里近應見百花飛

王維詩坐久落花多又澗花輕粉色又閣道迴看上苑花

岑參詩花間藉綠苗又花陰拂簾涼又三殿花香入紫微

杜甫詩花覆千官淑景移又退朝花底散歸院柳邊迷又山青花欲燃

李嘉祐詩野渡花爭發春塘水亂流

劉長卿詩細雨濕衣看不見閒花落地聽無聲

暢當詩花發多遼意

韓翃詩春城無處不飛花又深戶映花闌

盧綸詩月照何年樹花逢幾度人

錢起詩長樂鐘聲花外盡又高花映水明

司空曙詩杜陵花竹夢郊居又花粉落青苔

常建詩曲逕通幽處禪房花木深

章孝標詩紅花還似白頭人

姚合詩移花兼蝶至買石得雲饒又鳥啼寒食雨花落暮春風

馬戴詩鳥啼花半落

雍陶詩滿院花開不似貧又金鶯銜出上陽花

李敬方詩不向花前醉花應解笑人

司空圖詩花影午時天又花落夢無聊又碁聲花院閒又花落遇歌成又小欄花韻午晴初

嚴憚詩春光冉冉歸何處更向花前把一杯

韋莊詩花間醉任黃鶯語

張翥詩水面回風聚落花

鄭谷詩情多最恨花無語愁破方知酒有權又翻令

力耕者半作賣花人

嚴維詩柳塘春水漫花塢夕陽遲

崔湜詩春回上林苑花滿洛陽城

韋應物詩綠陰生晝寂孤花表春餘

盧綸詩禁花呈瑞色又高旌花外轉

孟郊詩春風得意馬蹄疾一日看遍長安花

元萬頃詩日影飛花殿風文積草池

范朝詩祥花間色裁

令狐楚詩月上宮花靜烟含苑樹深

楊巨源詩花明御溝水又宮漏出花遲又繚緜花香汎御溝

皇甫曾詩漏聲遙在百花中

溫庭筠詩百花春隔景陽鐘

釋廣宣詩復道花明上苑春

徐黃詩花浮酒影形霞爛

宋花蕊夫人宮詞花木長新日月間又偷折花枝傍水行又樹影花光水接連又月頭支給買花錢

邵雍詩水流任急境常靜花落雖頻意自閒

韓琦詩花去曉叢蜂蝶亂雨勻春圃桔槔閒又萬花香裏屬車還

張先詩雲破月來花弄影又簾幕卷花影

丁謂詩草解忘憂憂底事花能含笑笑何人

黃庭堅詩花氣薰人欲破禪

歐陽修詩春風任放百花開又花覆清香薦壽杯

鄭獬詩花氣濃薰萬壽杯

王安石詩花氣入鉤陳又官花一段錦新翻又御水曲隨花影轉

王珪詩天花散御衣

范成大詩濃薰滿院落花香

李昉詩一院有花春畫永

曾鞏詩散花還拂侍臣衣又照庭花並玉闌干

蔡襄詩一道花香數雨前

晏殊詩無可奈何花落去又似曾相識燕歸來

陸游詩銅瓶寒浸欲開花

金元好問詩宮鶯催賞玉谿花

明陳昂落花詩燕銜香玉遺書几蜂帶餘香過酒船

欽定古今圖書集成博物彙編草木典

第十四卷目錄

花部紀事

花部雜錄

花部外編

草木典第十四卷

花部紀事

古今注華蓋黃帝所作也與蚩尤戰於涿鹿之野常有五色雲氣金枝玉葉止於帝上有花葩之象故因而作華蓋也

洞冥記武帝所幸宮人名麗娟年十四玉膚柔軟吹氣勝蘭不欲衣纓拂之恐體痕也每歌李延年和之於芝生殿唱迴風之曲庭中花皆翻落

採蘭雜志越國有吸花絲凡花著之即不墮落用以織錦漢時國人奉貢武帝賜麗娟二兩命作舞衣春暮宴于花下舞時故以袖拂落花滿身都著舞態愈媚謂之百花之舞

獨異志馬融勤學夢見一林花如錦繡夢中摘此花食之及寤見天下文詞無所不知時人號爲繡囊晉書五行志王敦儀仗生華千寶以爲狂華

雲仙雜記郭文在山間有石榴楊梅等花爲樵牧所傷始甚賣簪沽酒以澆花樹人間之曰爲二子洗瘡止痛

宗測春遊山谷見奇花異草則係於帶上歸而圖其形狀名聚芳圖百花帶人多效之
宋書五行志前廢帝景和元年鄧琬在尋陽種紫花皆白白青也

南史范縝傳竟陵王子良精信釋教而縝盛稱無佛子良問曰君不信因果何得有富貴縝慨然曰人生如樹花同發隨風而墮自有拂簾幌墜於茵席之上自有關籬牆落於糞溷之中墜茵席者殿下是也落糞溷者下官是也貴賤雖殊途因果竟在何處子良不能屈

異苑隋縣末陽有山壁立千仞巖上有石室古名爲神農窟窟前有百藥叢茂莫不畢備又別有異物藤花形似菱葉朝紫中綠晡黃暮青夜赤五色迭耀顏氏家訓席昆嘲劉逖云君輩辭藻譬若榮華須臾之玩非宏才也豈比吾徒十丈松樹常有風霜不可凋悴矣劉應曰既有寒木又發春華何如也席笑曰可矣

水經注長楊溪側生異花路人欲摘者皆當先請不得扳取
酉陽雜俎北朝婦人常以五月進五時圖五時花施帳之上

烟花記迎薰花外殷紫內素膩菲芬粉蕊心深紅跗爭兩花枝餘烘翠類通草無刺葉圓長薄其香氣穠芬馥或惹襟袖移日不散嗅之令人不多睡帝令寶兒持之號曰司花女
大業雜記元年夏五月築西苑周二百里其內造十六院置四品夫人十六人各主一院庭植各花秋冬

即剪雜絲之爲色淪則改者新者其池沼之內冬月亦剪絲爲芝荷每院開西東南三門門並臨龍鱗渠上跨飛橋過橋百步即楊柳修竹四面鬱茂名花美草隱映軒陛

顏師古隋朝遺事載洛陽獻合帶迎華花煬帝令袁寶兒持之號司花女時詔虞世南草征還指揮德音救於帝側寶兒注視久之帝曰昔傳飛燕可掌上舞今得寶兒方昭前事然多慙慙今注目於卿卿才人可使嘲之世南爲絕句曰學畫鴉黃半未成垂肩彈袖太慈生緣慙却得君王惜長把花枝傍筆行

全唐詩話天授二年臘卿相欲許稱花發請幸上苑有所謀也許之尋疑有異圖先遣使宣詔曰明朝遊上苑火急報春知花須連夜發莫待曉風吹於是凌晨名花布苑羣臣咸服其異后託術以移唐祚此皆妖妄不足信也凡太后之詩文皆元萬頃崔融輩爲之

景龍文館記中宗景龍三年正月七日上御清輝閣登高遇雪因賜金人綵勝令學士賦詩是日甚歡宗楚客詩云窈窕神仙關參差雲漢間九重中禁啓七夕早春還太液天爲水蓬萊雪作山今朝上林樹無處不堪攀正謂此也正月八日立春內出綵花賜近臣武平一應制云鑾輿青旂下帝台東郊上苑望春來黃鸝未解林間囀紅蕖先從殿裏開畫閣條風初變柳銀塘曲水半含苔欣逢盛歲先韶律更促霞觴畏景催是日中宗手敕批云平一年雖最少文甚警新悅紅蕖之先開訝黃鸝之未囀循環吟咀實嘆兼懷今更賜花一枝以彰其美所賜學士花並令插在

頭上後所賜者半一左右交插因舞蹈拜謝時崔日用乘酣飲欲奪平一所賜花上於簾下見之謂平一日日用何為奪卿花平一跪奏曰讀書萬卷從日用滿口虛張賜花一枝學平一終身不復上及侍臣大笑因更賜酒一杯當時嘆美

珍珠船上官昭容自製花子以掩諒處

開元天寶遺事天寶初寧王日侍好聲樂風流蘊藉諸王弗如也至春時於後園中初紅絲為繩密綴金鈴繫於花梢之上每有鳥鵲翔集則令園吏擊鈴索以驚之蓋惜花之故也諸宮皆效之

長安俠少每至春時結朋聯黨各置矮馬飾以錦韉金絡並轡于花樹下往來使僕從執酒血而隨之遇好園則駐馬而飲

學士許慎選放曠不拘小節多與親友結宴于花圃中未嘗具帷帳設坐具使童僕輩聚落花鋪於坐下慎選曰吾自有花相何消坐具

楊國忠子弟每春至之時求名花異木植於檻中以板為底以木為輪使人牽之自轉所至之處檻在目前而便即歡賞目之為移春檻

長安春時盛於遊賞園林樹木無閒地故學士蘇頌應制云飛埃結紅霧遊蓋飄青雲帝覽之嘉賞焉遂以御花親插頭之巾上時人榮之

長安中士女春時闌花戴插以奇花多者為勝皆用千金市名花植於庭院中以備春時之闌也

長安士女遊春野步遇名花則設席藉草以紅裙遞相插掛以為宴幄其奢過如此也

貴妃每宿酒初消多苦肺熱膏凌晨獨遊後苑傍花

樹以手攀枝口吸花露藉其露液潤於肺也

獨異志元宗打羯鼓天寶初春景甚煦而卉物未拆乃命鼓座於殿階擊之滿樹花發帝謂左右曰一曲未終而花爛然得不以我為聖耶

誠齋雜記長安士女遊春野步遇名花則藉草而坐解裙四圍遮繞如奕基謂之裙幄

遊生八牋天寶中長安士女春時闌花以奇多者為勝皆以千金市花植于中庭為探春之燕

事文類聚李白夢華生華自是才思日進

西陽雜俎元和中江淮術士王瓊嘗在段君秀家令坐客取花含默封於密器中一夕開花

續博物志昔有一人好道而不知求道之方唯朝夕拜跪向一枯樹輒云乞長生如此二十八年不倦枯木一旦忽然生花花又有汁甜如蜜有人教令食之遂取此花及汁並食之食訖即仙

雲仙雜記穆宗每宮中花開則以重頂帳蒙蔽欄檻置惜春御史掌之號曰括香

曲江貴家遊賞則剪百花裝成獅子相送遺獅子有小連環欲送則以蜀錦流蘇牽之唱曰春光且莫去畱畱醉人看

楊恂遇花時就花下取藥粘綴於婦人衣上微用蜜蠟兼接花浸酒以快一時之意

翰林有龍口渠通內苑大雨之後必飄諸花藥經由而出有百種香色名不可盡春日尤妙

小聖春花明媚因以名之

五代史四夷附錄湯池浞地氣最溫其水泉清冷草輒如葍可藉以寢而多異花

清異錄孟昶時每臘日內官各獻羅體團金花樹子梁守珍獻忘憂花縷金於花上曰獨立仙

李後主每春盛時梁棟意壁柱棋階砌並作隔箇密插雜花榜曰錦洞天

劉鋹在國春深令宮人闌花凌晨開後苑各任採擇少頃敕還宮鎖花門膳訖普集角勝負於殿中宦士抱關宮人出入皆搜懷袖置樓羅曆以驗姓名法制甚嚴時號花禁負者獻要金要銀買宴

閨規春餘宴後苑飛紅滿空起日彌陀經云雨天曼陀羅華此景近似今日觀化工之雨天三昧宜召六宮設三昧宴

蘇直善治花瘡者腴之病者安之時人競稱為花太醫

委巷叢談吳越王妃每歲歸臨安王以書遺妃云陌上花開可緩緩歸矣吳人用其語為歌含思怨轉聽之凄然蘇子瞻為之易其詞蓋清平調也調云陌上花開蝴蝶飛江山猶是昔人非遣民幾度垂垂老遊女長歌緩緩歸陌上山花無數路人爭看翠耕來

若為畱得堂堂去且更從教緩緩回生前富貴草頭露身後風流陌上花已作遲遲君去魯歌歌緩緩妾回家

宋史禮志太宗太平興國九年三月十五日詔宰相近臣賞花於後苑帝曰春氣暄和萬物暢茂四方無事朕以天下之樂為樂宜令侍從司臣各賦詩

第五三三冊 之〇八葉

雍熙二年四月二日詔輔臣三司使翰林樞密直學士尚書省四品兩省五品以上三館學士宴於後苑賞花釣魚張樂賜飲命羣臣賦詩習射賞花曲宴自此始

眞宗咸平二年二月賜賞花宴於後苑帝作仲春賞花釣魚詩儒臣皆賦

三年十二月翰林學士梁顥請以春秋大宴小宴賞花行幸次爲四圖頒下閣門遵守從之

仁宗慶曆七年御史言凡預大宴并御筵其所賜花並須戴歸私第不得更令僕從持戴違者糾舉

司馬光傳光仁宗寶元初中進士甲科年甫冠性不喜華靡聞喜宴獨不戴花同列語之曰君賜不可違乃簪一枝

黃裳傳黃徙廣東轉運使廣南歲進異花數千本至都下枯死者十八九道路苦其煩擾黃奏罷之

珍珠船釋仲殊花品序每歲禁烟前後置酒僎以待來賓賞花者不問親疎謂之看花局故里云彈琴種花陪酒陪歌

東巴下殿院主僧水際得青磁碗攜歸折花置佛像前明日花滿其中

雲溪友議夔州游使君符遠客看花而不飲至今荆襄花下斟茶者吟此戲焉盧子發詩曰白帝城頭二月時忍教清醒看花枝莫言世上無袁許客子由來是相師

入蜀紀見浣花溪在華陽縣西一名百花潭吳中復冀國夫人任氏微時見一僧墜汚渠夫人爲濯其衣因而百花潭潭故名

雲麓漫抄世目狀元第二人爲榜眼第三人爲探花郎秦中歲時記云期集謝恩了從此便著被袋簪子驛等仍於曲江點檢從物無得有闕闕即罰錢便於亭子小宴召小科頭同至暮而散次即杏園初宴謂之探花宴便差足先輩二人少俊者爲兩街探花使若他人折得花卉先開牡丹芍藥來者即各有罰東坡志林寇元弼言去歲春徐州通判李陶有子年十七八素不善作詩忽詠落花詩云流水難窮日斜陽易斷腸誰同研光帽一曲舞山香父驚問之若有物憑附者自云是謝中含問研光帽事云西王母宴羣仙有舞者帶研光帽帽上簪花舞山香一曲曲未終花皆落去

東坡詩註房州有異人常戴三朵花莫知其姓名郡人因以三朵花名之

聞見近錄故事季春上池賜生花而自上至從臣皆簪花而歸紹聖二年上元幸集禧觀始出官花賜從駕臣僚各數十枝時人榮之

墨莊漫錄徐適入困場屋崇寧三年爲特奏名魁時已老矣賜宴瓊林苑歸騎過平康狹邪之所同年所簪花多爲羣倡取求惟適花獨存因戲題一絕云平康過盡無人問畱得官花醒後看

西京進花自李迪相國始

平江自朱勔用事花木之奇異者盡移供禁御下至墟墓間珍木亦遭發鑿山林所餘唯合抱成圍或擁腫樗散者乃保天年

離肋編嚴州通判應下有花數種而合爲一樹云見於唐杜牧詩中宣和間欲移取屢以盤根卒不可徙

而止然其花中無能名者
王龜齡龍行記題名云未嘉王龜齡少城周行可海陵查元章載酒來遊時凍雨初霽風日清美山谷明秀照人道旁雜花盛開監與徐行應接不暇手有茶糜羅絡松上如積雪崇蘭數百本秀發巖石間微風透香所至芬郁東榮牡丹大叢雨前已開道人植蓋護持菌以供客飲罷縱步泉上淪茗賦詩而歸乾道丙戌清明前四日

宋史五行志淳熙中興化軍仙遊縣九座山古木生華

禮志淳熙二年太上皇帝聖壽文武功百僚並簪花赴文德殿從駕至德壽宮行慶壽禮

輿服志幘頭簪花謂之簪戴中興郊祀明堂禮畢回變臣僚及扈從並簪花恭謝日亦如之

乾淳歲時記禁中賞花非一先期後苑及修內司分任排辦凡諸苑亭榭花木妝點一新錦簾銷幕飛梭繡毯以至茵褥設放器玩盆菓珍禽異物各務奇麗又命小瑞內司列肆開撲珠翠冠朵篋環繡段畫領花扇官密定器孩兒戲具開竿龍船等物及有買賣

果木酒食餅餌蔬茹之類莫不備具悉倣西湖景物起自梅堂賞梅芳春堂賞杏花桃源觀桃榮錦堂金林檎照數亭海棠蘭亭修禊至於鍾美堂大花爲極盛堂前三面皆以花石爲臺三層各植名品標以象牌覆以碧幕臺後分植玉繡毬數百株儼如鏤玉屏

堂內左右各列三層雕花彩檻護以彩色牡丹畫衣間列碾玉水晶金盞及大食玻璃官窑等瓶各簪奇品如姚魏御衣黃照殿紅之類幾千朵別以銀箔間